



اۆلكه ده باش وره ن حادېته لرله علاقه دار آذربايجان ميللى جبهه سينين بيانیه سی

عزيز آذربايجانلى وطنداشلار!
اۆلكه دورومونو نظارت آلتيندا ساхлаماق مقصدى ايله تهران مركزى حاكمييتى اون ايللرديركى، سياسى صحنه ده اؤزونون ياراتديغى "اصلاحاتچيلار" و "قايدا قانونچيلار" آراسيندا غيرطبيعى اصوللا بالانسلاشديرما اويونو آپاير.
حقيقتده ايسه اونلارين بو لايحه سی (اويونو) بحرانلى سوسىال دورومو و عين حالدا اۆلكه ده كى سياسى ايقئصاى و ميللى گرگينلگين سيماسينى ئۆت- باسدير ائتمكدن باشقا بير شئى دئيل.

اۆلكه ده كى بوتون بو گرگينليكلرين اساس سببى موجود تئوكراتيك حاكمييتين اداره ائتمه سيستمى و ائله جه ده اۆلكه ده كى خالقلارينين سياسى اققصاى و مدنى ايستكلرينين يئرینه يتيريلمه مه سيدير. ائله بو سببندير كى، بير داها سون گونلرده اۆلكه نين مختليف بۆلگه لرینده خالق اعتراضلارينين شاهيدى اولوروق. موجود دوروم 1388 جى ايلده ده آذربايجانين مختليف شهرلرينده باش ورميش حادېته لرین آردى و عين حالده تکراردير. بوتون بونلار، مركزى حاكمييتله اۆلكه ده كى خالقلارين آراسيندا اولان ذيرين سياسى بحرانين موجودلوقوندان خبر ورير.
بو بحران سون قوبولماسى اوچون موجود سيستمين ديشيلمه سی اولدوقجا اهمييتليدير. تاريخى تجربه يه اساسلاناراق هر زامان اولدوغو كيمي آذربايجان بو گونده اؤزونون مىلى سياسى ايستكلرينى جيدى شكيلده اورتايا قويماقلا اۆلكه ده كى خالقلارين اساس ايستكلرينين يئرینه يتيريلمه سينده ايستراتژيك سياسيتينى قاباغا آپارا بيلر. بئله بير تاريخى امكانى بوراخماق بؤيوك يانليشليقلارا يول آچار.

آذربايجان سياستچيلرينين، ميللى سياسى تشكيلاتلارينين و ميللى فعاللارين بوگونكو حساس دورومونو دوزگون ذيرلنديرمه لرى، اۆلكه ده كى پان ايرانيست جريانلارين سوء استفاده سينين قارشيسينى آلا بيلر.

اونا گؤره ده آذربايجان ميللى سياسى تشكيلاتلارى و ميللى فعاللارى اؤزلرينين تاريخى و ميللى سياسى وظيفه لرینى آنلاياراق خالق حركاتينين دوزگون استقامتده قاباغا گئتمه سی اوچون بيرگه حركت ائتمه ليديرلر. بونون اوچون ده خالق طرفيندن بوگونكو اققصاى طلبلرين اورتايا آتيلماسى ايله ياناشى اساس ميللى سياسى ايستكلرينى ده دوزگون سياسى صحنه يه گئيرمك لازيمدير.

سياسى دورومو دوزگون يۇنده قاباغا آپارماق مقصدى ايله وعين حالدا خالقميزين اساس سياسى، اققصاى، ميللى وايجتماى حقوقلارینى الده ائتمه سی اوچون، بين الخالق حقوقون اساس نورمالاريندان اولان "مقدراتينى تعين ائتمه" پرينسپينى خالقميزين و ائله جه ده اۆلكه ده كى ديگر خالقلارينين اساس شعاركيمي ايره ليه سورولمه سی اولدوقجا واجيبدير.

آذربايجان ميللى جبهه سی (AMC)

2017 12 30